



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

215. Kurfürst Joachim nimmt Bade und Dithmer von Adeleff in seinen
Dienst und Schutz, am 24. Juni 1515.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

Beilage:

Vnser gnedigster Herr, der kurfurst, hat auf furbett Irer k. f. g. Marschalhs Hannsen von Bredows, Merten vonn Wallenfels des dinstes der IC. pferde halbenn noch ein Jar frist gegeben, doch das er Inn solicher verpflichtung bleybenn vnd vnserm gnedigsten herrn auf Irer k. f. g. ansuchen mit IC. Mannen vnd pferden, Inmassen er itzund gemahnt vnnd er getan haben sollt, verpflichtet sein soll. Actum am tag Corporis Christi, Anno etc. XV.

Relator Hans von Bredow, Marschalk.

Aus dem Churmärkischen Lehnscopialbuche XXXI, 254. 255.

215. Kurfürst Joachim nimmt Bade und Dithmer von Adeleff in seinen Dienst und Schutz, am 24. Juni 1515.

Wir Joachim, von gotts gnaden etc., Bekennen vnd thun kunt offentlich gein allermeniglich, De mit diesen vnserm briue erfucht vnnd angelant werden, Nachdem vnser lie Befundern Bade vnnd Dithmer von adeleffs, vettern, sich gein vnns Erbieten irer gen ydermeniglich zu gleichen vnd Rechten mechtig zu sein, Sich auch bewilligen, vnns vff vnser Erfordern gleich vnser Lehnman vnd diener zu dienen, das wir sie In vnser sunderlich Schutz, schirm vnnd versprechnus vffgenomen haben, Sie widerumb gleich vnser Lehnman vnnd diener zu gleich vnnd Recht zu uerteidigen, vnnd wir nehmen sie auff In vnserm sunderlichen Schutz vnnd schirm vnnd versprechnus, wie vorberurt ist, In crafft vnd macht ditzs briues, Gutlich Synnende vnd begernde, auch den vnsern Ernstlich beuellhnde, das ir noch gnante Bade vnd Dithmer von adeleffs, vettern, euch an ir habe vnnd gutt nicht vergreiffet, Noch Einicherley vberfarung ertzeigt, In ansehung, das wir irer, wie vorberurt ist, zu gleichenn vnnd Recht mechtig sein, Als wir vnns von euch allen vnnd yeden befundern zugescheen verfehenn vnnd die vnsern thun dar an vnne gantze meynung. Datum mit vnserm aufgedruckten Secret versigelt etc. Coln an der Sprew, am Santag Johannis Baptiste, Anno etc. XV.

Aus dem Churmärkischen Lehnscopialbuche XXXI, 275.